


President Dieter F. Uchtdorf
ne kasae

Opamfo a Otsia Ebien wø President
a Odzi Kan na n'Apamfo mu



Nyankopon N'asem a Odzé ma Ne Mba

Kyerewsem no se hen de Nyankopon bøø ɔbarimba na ɔbaa ekyir no dza Odzii kan yee nye de Okasaa kyerer høn.¹ Nna ɔwø asem a ohia na nkyerkyer a ɔsom bo ma høn. Nna ɔnnye No botae de Obema høn adzesoadze anaa Obehaw høn mbom ama Daama høn enyigye na onnyiewie enyimnyam ho kwankyer.

Ono ye ahyese noara mpo no. Ofitsi dem da no besi nde no, Nyankopon akodo nye Ne mba edzi nkitaho. Ebusuantsen biara mu esuafø akora Ne nsøm do, wøasom høn bo na woesøa. Nsem no ye adze krønkrøn ma høn a wørohwehwe ehу Nyankopon Ne pe, na wøagye nokwar no ho dase de “Ewuradze Nyankopon rennye biribi, gyede oeyi n'esumasem akyer no nkowaa nkønhyefo no ansaana.”²

Iyi aye nhwedo no fitsi mber ahyese no na nhwedo no kø do nde. Onnye Bible mu asem deedew ara nko; øye kwan a Nyankopon ahyehye a Odua do dze nsem a ohia tsitsir ma Ne mba. Oyi ankorankor fi hen mu, Øfre høn ma wøbe ye nkønhyefo, na Ødze nsem a wønkøma høn, na wøto nsa frø hen de “[yen]gye, tse de ma ofi [Nankasa] n'anomu.”³ Wøapaa mu akø de, “De ɔnam mankasa me ndze do anaa nkowaa ndze do, ne nyina ye kor.”⁴

Iyi nye Nsanananmu no nsem no mu kor a øye enyimnyam, awerekyekye, na enyidado kese—Nyankopon nntaa tsinkonn! Øðø Ne mba. Onngyaa hen de yenantsewnantsew sum mu.

Mpen ebien wø afe biara mu no, Ebøbira na Obøse mu no, yenza kwan de yedua No nkowaa mu tse Ewuradze Ne ndze wø hen wiadze mfendzanan ehyiadzi nwanwa ber no.

Mankasa midzi ho dase de ansaana wiadze mfendzanan ehyiadzi ɔkasafø no botwa anamøn tsentsen no ebegyina asenkädaka n'eniyim no, nna oedzi kan dze mpaabo, adzesøa na ɔaye mbødzembø ara yie wø dwumadzi de ɔnkasa no ho. Ehyiadzi biara mu nsem no da ahoboabøa nye akoma mu ntotøsere mpaabo mber pii edzi a, wødze aper ahwehwø dza Ewuradze pe de N'ahotseweefo no betse no ho ntseasee.

Ebenadze na obøba se hen etsiefo ye henankasa hen ahoboabøa a øye høn a wøkasa no dze no se a? Se yehu no de øye kwan a yebetsie nsem efi Ewuradze Nankasa hø a, hen wiadze mfendzanan ehyiadzi ahokekø besi den asesø? Yebotum edua wiadze mfendzanan ehyiadzi mu nsem na ndwom no do enya enyidado de yebenza hen nsembisa anaa nkødzen biara a yerihyia ho mbuae ankorankor.

Se w'adwen ye wo kusuu de Øsor Egya nye wo bekasa ampaara a, mebekaa wo ndwom a Primary mbofra tow no mu nsem tsiabaa a eso øye dur: “Eye Nyame Ne ba, na Ødze [wo] aba ha.” No botae nye de Obøboa wo ma asan “enye n'atsena dabi.”

Se eben Øsor Egya de N'abofra a, ibotum edze akoma a mu tsew ebisa No de, “Dzi me kæn, weøø me, nye me nnantsew, Boa ma munhu kwan. Kyere dza øse de meye.”

Obodua No Sunsum Krōnkron no do akasa akyere wo, na nkyii na oato owo dε “ebeyε ne pε.” Mobo hom anohoba dε se hom ye a, Nhyira kese wɔ hɔ ma [hom].”⁵

Yehia Ewuradze no kwankyerε ndε tse dε mbre woe-hia no wɔ wiadze abakɔsem ber biara mu no. Ber a yεyε ahoboa de yebetsie Ewuradze N'asem no, yenhwehwε nokwar Sunsum no enyiberdo ama ber a Ewuradze rudua No nkowaa mu akasa no, hen nyina enya ho ntseasee, na yenya ntowdo na yeabo mu enya enyigye.⁶

Megye dase dε “se [hom] ye dεm ndzemba yinom a hel mbobow no nnkotum edzi hom do konyim; nyew, na Ewuradze Nyankopɔn bɔhwetse sum no tum efi hom enyim, na ɔama sor awosow ama hom yieyε, nye ne dzin n'enyimnyam ntsi.”⁷

NSENSIN

1. Hwε Genesis 1:28.
2. Amos 3:7
3. Nkyerεyere na Ahyemudzi 21:5
4. Nkyerεkyere na Ahyemudzi 1:38
5. “Meye Nyame Ne Ba,” *Asor Na Mbofra Ndowom*, nkanee 61; *Children's Songbook*, 2–3.
6. Hwε Nkyerεkyere na Ahyemudzi 50:21–22
7. Nkyerεkyere na Ahyemudzi 21:6

EREKYERΕKYERE EFI AMANDZEεBɔ YI MU

Wiadze mfendzanan ehyiadzi ber mu no yebotum enya hεn nsembisa na nkɔdzen biara a yerihyia ho mbuae ankorankor, ber a yetsie asomfo a Nyankopɔn eyi hɔn no. Susu dε enye hɔn a ekyerεkyere hɔn adze no bεpensampensam dza odzi do yi mu: Hom besi dεn aye ahoboa enya dεm nyiano yinom wɔ wiadze mfendzanan ehyiadzi ber mu? President Uchtdorf hyε hεn nkuran dε “yenhwehwε nokwar Sunsum no enyiberdo.” Edwen ho a, iyi n'asekyere nye dεn, na ibesi dεn dze iyi akā w'a-hoboa ho? Nhyira binom bεn bio na ɔkā dza wɔakā no wɔ Nkyerεkyere na na Ahyemudzi 21:6, a ɔba ber a yεyε ahoboa dε yebetsie Ewuradze Ne nsεm a Odzi dua No nkowaa mu? Ibotum ebisa hɔn a ekyere hɔn adze no ma wɔakyerew dza Sunsum no kyerεkyere hɔn wɔ wiadze mfendzanan ehyiadzi yi mu no wɔ hɔn *journal* mu.

MBABUN

Yεreyε Ahoboa Etsie Nyankopɔn Ne Ndze

President Uchtdorf kyerεkyere mu dε Nyankopɔn bɔɔ ɔbarimba na ɔbaa ekyir no dza Odzii kan yεe nye dε ɔkasaa kyerεε hɔn na ɔmaa hɔn nkyerεkyere na nsεm a ɔsombo. Yenya dεm nhyira noara bi wɔ Ebɔbira na ɔbesε wɔ wiadze mfendzanan ehyiadzi ber mu, ber a Asɔr baanodzifo kasa kyerε hεn na wɔma hεn afotu a Ewuradze pε dε yεbεtse.

Ana edua No nkowaa do atse Nyame ne ndze pεn wɔ wiadze mfendzanan ehyiadzi ber mu a? Ana enya atsen-kā bi pεn dε nsεm a wɔkāa no mu kor bi aye nyiano bi a ahwehwε a? Ibotum akyerεw dεm sūahu no ho nsεm wɔ wo *journal* mu na mbre osii boaa wo. Nkyii kyerεw nsεmbisa binom a ewɔ na faye ahoboa dε ibεtse Ewuradze Ne ndze wɔ ehyiadzi a ɔreba yi mu na sūa ho nsεm wɔ wo kyerεwsεm adzesūa ber mu. Bɔ mpaa ma ɔsor Egya, bisa nyiano na nkenyan nhumu wɔ ehyiadzi ber mu. Ber a iritsie Ewuradze no nkowaa no, tsim wɔ nke-nyan pɔkyee binom do. Ebεnadze na esūae? Isii dεn nyaa nkenyan atsenkā dε sesā? Kyerεw dεm nkenyan horow no osiande ɔyε Sunsum no na ɔrekasa kyerε wo no!

Kaa daa dε ɔsor Egya dɔ wo na ɔbεma wo kwankyerε a ɔtsen. Ber a iper dε ibetsie Ne ndze edua No nkowaa mu no, wobehyira wo na enya ntowdo.

MBOFRA

Yε Krado ma Ehyiadzi!

Kyerεw nkenyan yinom wɔ krataa sin bi do. Fa krata no sie woho ama ehyiadzi ber mu no etum akyerεw dza esūa no.

Kyerεw wo nsεmbisa no. Morodwendwen fa . . .
Bɔ mpaa ma ɔsor Egya. Mebepe mboa esūa afa . . .
Tsie wiadze mfendzanan ehyiadzi. Musūae faa . . .



Bɔ Akyerebaa Kor Biara Dzin fa Bɔ Mpaa ma no.

Hen dɔ na nkenyan ma hɔn a yesere hɔn na kyere hɔn adze no bɔdɔsɔ ber a ahobreadze mu ara yεbɔ akyerebaa kor biara dzin pɔkyee dze bɔ mpaa ma no no.

Gyedzi, Ebusua, Mboa

Kyerewsem no ma hen fasusu pii ka mbanyin na mbaa a wɔbɔɔ binom edzin dze bɔɔ mpaa ma hɔn. Dza oye nwanwa mu kor nye Alma Kakraba n'egya. Obofo kasaε kyerεε Alma Kakraba see no de, n'egya "dze gyedzi mapā [albɔ] mpaa wɔ [no] ho . . . ; iyi ntsi na maba merebeda Nyame no tum nye tumdzi edzi akyere wo ama eehu de Nyame tsie no nkowaa hɔn mpaabɔ de mbre hɔn gyedzi tse." (Mosiah 27:14).

Yerobɔ mpaa ama hεnho nkorkor no bue hen akoma mu ma yegye nhyira horow a Ewuradze pe de Odze ma hen no. Nye mpaabɔ no botae nye de yebesεsε Nyame Ne pe, mbom de hen nsa bekεnhεyira horow a Nyame aye krado de, se yebisa no mpaabɔ mu a, Odze bεma hen no, ama hεnho na binom so."¹

Akyerebaa bi kāa de n'abrabɔ nkōdzen ber mu no, nna telefoon

ɔfrε anaa nsem sin bi taa fi ne visiting teacherfo hɔ ba "nkankara wɔnda a wɔayε dzen noara mu." Nna oye de mbre wonyim ber a ohia de wopegya no. Nna onyim de ber a wɔabesera no no nye wɔ hɔnara hɔn mber pa mu no, wɔbɔ mpaa ma no.

Julie B. Beck, nkaano Wiadze Mfendzanan Relief Society President no kāa de, "Hom ndwen hen ahoo-dzen a wɔakā abɔ mu se akyerebaa biara bɔ mpaa nokwar mu anapa na anafua biara, anaa dza oye koraa no, wɔbɔ mpaa a wonngyaa de mbre Ewuradze ahyε no a."² Yerobɔ mpaa ama hɔn a yesera kyere hɔn adze no hyε hen dzen ankorankor na de yeε Latter-day Saintfo mbaa.

President Henry B. Eyring, Opamfo a Odzi Kan wɔ President a Odzi Kan na n'Apamfo mu no kāa de, "Hom mbo mpaa nya kwan a hom bohu hɔn akoma. . . . Obehia de hom bohu dza Nyankopɔn pe de

hom ye dze boa hɔn na hom nye ne nyina, de mbre hom botum biara no, dze atse Nyankopɔn No dɔ a Cwɔ ma hɔn no."³

NSENSIN

1. Kyerewsem no Kwankyerε, "Mpaabo."
2. Julie B. Beck, "What Latter-day Saint Women Do Best: Stand Strong and Immovable," *Liahona*, Oberfew 2007, 110.
3. Henry B. Eyring, "Priesthood and Personal Prayer," *Liahona*, Esusow Aketseaba 2015, 85.

Susu Iyi Ho

Eben nkenyan na adwenkyere na enya no ndaansa yi ber a ebɔɔ mpaa maa nkyerebaa a esera hɔn no nkorkor?

Erosom

Yenya nkenyan ankorankor dze hu mbre yebesi benya akyerebaa kor biara a yesera no ber a yεbɔ akyerebaa kor biara dzin dze bɔ mpaa ma no no.